

an eren vn̄wurchts weib̄. ist vor aller irdischer eu-  
gelweid. So einē mendlichē man gesach ich nye der  
recht mutig wurd er wurd dan̄ mit frauē trost gest-  
eurt. wo d̄ gutē samnūg ist do sihet man es all tag.  
Auff allē planē. auff allē hoffen in allē thurnirē. in  
allē herfartē. thū die frauē ye das pest. wer in frauē  
dinst ist d̄ musz sich aller müß etai anen. rechte zucht  
vnde ere lece die werdē frauen in irer schul. Irdischer  
freudē sint gewaltig die frauē. Sie schaffē das in zu  
ere geschicht alle hubscheit vnd kurzweil auff redē.  
Einer reiner frauen vnger droen. strafft vn̄ zuchtigt  
fur alle weisē. Mir kurzer red aller werlt auffhaltūg  
vestūg. vnd merūg sint die werdē frauen. ydoch pei  
gold plei. pei weisz ratē. pei allerlei munz peischleg.  
vnd pei weib vn̄weib müssen wesen. Dennoch dy gu-  
ten sullen der posen nicht engeltē. des glaubt mir her  
todt hauptman vom perg.

**D**es todes wider red das. xxx. capitel.  
**E**inē kolben fur einē cloß goldes. Ein horn fur  
einen thopassion. ein küßling fur ein rubin nympt  
ein narre. Die heuschern ein purck. Die thunau das  
mer. den meuff er ein valcken nēner der thor. Also lo-  
bestu der augen lust. Aber der vrsach sezeft du nicht.  
wan̄ du weisft nicht das alles das in der werlt ist ey-  
wider begerūg des fleisch. Alder begerūg der augen.  
oder hoffart des lebēs. die begerūg des fleisch zu wol-  
lust. die begerūg der augē zu gut oder zu habe. Die  
hoffart des lebēs zu ere sint geneiget. Das gut prēgt